

## Transkription von Stadtbucheintrag HDL 1421d

Ort, Datierung: Haldensleben, 1421-??-??

Signatur: Stadtarchiv Haldensleben, Repertorium 9, Stb. IV; 51v

---

[51v]

Fe(ria) tertia p(ost) [...] ? /<sup>1</sup> JIze hans bitekowe(n) wedewe h(et) oppe=/late(n) va(n) erer vn(de) va(n) hanseke(n) eres / sonen wege(n) clawes ketzis ? de(n) hoff dat se inne won(et) hadde(n) als se / on hadden // Fricke sant(er)sleue h(et) verlate(n) laure(n)/cius luders alle to sprake de he / to em hadde na de(m) male dat lau/re(n)cus sik vru(n)dede mit sin(er) mod(er) / se sin clene ed(er) grot ? wa(n)t an dissen / dach / Laure(n)cus luders h(et) oppelate(n) fricke(n) / santer sleue de bryde bi stenvorde / also als he se he(n)ni(n)g bornevorer / af gekoft het /<sup>1</sup> Hanne wittekoppes clost(er)iu(n)cvrowe / to olde(n) haldesleue het oppelaten / mit ene(m) briue va(n) erer brod(er) wege(n) / hanse(n) angherma(n)ne dat hus op / dem berge vry ane allerleye ansprake /<sup>1</sup> Fricke scerping va(n) beueli(n)g wege(n) / brand vosses het oppelate(n) mit / ene(m) briue peder selle(n) ene(n) v(er)ding / geldes den brand hadde an sine(m) houe /<sup>1</sup> Vritze mull(er) het bekant dat sine / swine hebbe(n) in schotelvutes ? haue(re)n / wesen /

---

<sup>1</sup> Absatz